



Cingz Ndaw Feih Cieng Noengznwd

Ngoenzgyaj gvaq cieng, ndwen-ngoenz dou gizziz feih cieng noengznwd.

Feih cieng yo youq ndaw ngaiz haemhndaep haeux byaek lai cungj lai yiengh de.

Baez daengz seiz gwn ngaiz haemhndaep, henz congz couh naengh rim lwgnyez, bouxboux yawj coh byaek gwnz congz: Byacien, gaeqdumq, bitdumq, nohgauq, byaekheu cawj caeuq guj dangq haeuxyangz ndoksej ndatfwdfwd hoenz-ngeungeu ndeu dem, gak cungj gak yiengh, lohloh miz caez, homfwd hawj vunz myaiz rih. Caeuq vunz ndaw ranz doxcaez, angqyangz gwn gij haeux byaek ndeigwn ngamjbak, roxnyinh vuenyungz raixcaix. Neix couh dwg feih cieng ndaw ngaiz haemhndaep, ndeigwn ngamjbak, feihdauh dangqmaz.

Feih cieng yo youq ndaw raeblaeng gyoengqvunz nyaengqnyatnyat.

Gyoengq vunzhang nyaengq cawx huq gvaq cieng, nyaengq nem doiqcieng, nyaengq oet hoengzbau, lij nyaengq baet

ranz. Gyoengq lwgnyez cix nyaengq lingx hoengzbau, nyaengq yawj foux saeceij, nyaengq daenj buhmoq caeuq cuengq bauq. Gyoengqde bouxboux gaem geij hab bauq, fwngz gaem diuz yieng, geij boux guhdoi doxcaez, bae dieg mbouj miz vunz, cuengq bauqhabfeiz, yienzhaeuh buet gyaeliz haj roek mij, cienq ndang riuhehe caj bauqhabfeiz yiengj, caj yiengj sat, youh buet dauq bae yawj.....Youq ndaw feih hanh caeuq feih ywbauq, dwg mbouj dwg hix miz di feih cieng?

Feih cieng yo youq gwnz najriu gyoengqvunz.

Najriu mwh lwg okrog dauqranz, najriu mwh lwgnyez guhcaemz, najriu mwh vunzhang ganggoj.....Cungj miz cingz-gamj naekgwd, baenz gij feih cieng vut mbouj bae.

Feih cieng mboujdan dwg gwn gijgwn feih, engq miz cungj cingsaenz dem. Miz cungj maqmuengh gvaq ngoenz, miz lwgda yawjraen vuenyungz, gvaq cieng cij engq miz "feih".

(Vangz Vanjingz)

Duzruemh Gyaеujsoem

Ngoenz ndeu banhaemh, gou caeuq daxboh caez bae rogdoengh. Youq ndaw cazrum henz dieg haeuxyangz, daxboh yawjraen duzruemh ndeu. Gou snh gij ronghdaeng muengh bae, cij yawjraen baenz benq baenz rum heusausau. Ye, duzruemh youq gyawz ne?


Soujden ronghsagsag ciuq youq gwnz mbaw rum gaebraez ndeu, gou baez dinghyawj, gawqyienz youq gwnz mbawrum yawjraen duzruemh lo, yienzlaiz de youq gizneix! Aen gyaеuj de soemsetset, lumj diuzoen govenghoengz, youh lumj doenlwenj. Dingj gyaеuj de miz song geu mumh, lumj rumroz nei. De caen dwg boux gyajcang sughangz ndeu!

Dou gaemhdawz duzruemh gyaеuj soem neix, gyaeng de youq habduznon. Gou depgyawj sijsaeq baez cazyawj, fatyienh de miz roek cik ga, ga laeng daegbied saeqraez. De youq ndaw habduznon gikgyat, lumjdwg mbouj miz saekdi simgeiq mbin deuz.

Ngoenz daihngaih banhaet, gou yawjraen de duet le gienh buh loq ronghcingx ndeu, gienh buh neix baihlaeng miz diuz geh ndeu, lumj diuz vunz gou baihlaeng cang miz diuz raglien nei. Duzruemh duet buh le ndangdaej bienq hung lo, hix bienq heu lo, hoeng de ciuqgaeuq naigneknek.

Gou caeuq daxboh itheij ra rum'oiq daеuj, cuengq youq ndaw habduznon, duzruemh gyaеuj soem cix mbouj yinx gij rum neix, ciuqgaeuq mbouj miz cingsaenz. Yienghneix, dou cuengq de dauqma ndaw cazrum, maqmuengh de youq ndaw daswyenz maj ndaej ndangcangq vaiqvued.

(bouxraiz: Se Cuihyen Bouxhoiz: Nungz Cinfung)



Gou Miz Boux Baengzyoux Vunzgihi Ndeu



Miz ngoenz ndeu, daxboh daxmeh doxcaez ok cienz cawx boux vunzgihi ndeu hawj gou.

Gou aеu vunzgihi guh boux baengzyoux ndei gou. Vunzgihi ndang hausagsag, lumj miz haujlai bwnhau, lwgda hunghwd, gen dinjdet, ga hix dinjdet. Gou cuengq vunzgihi youq henz mbonq gou, vunzgihi ngoenznaengz dawzseiz heuh gou hwnq, cat heuj, gwn haeuxhaet, raiz

cozyez caeuq guh gij saeh wng.

Miz ngoenz ndeu, daxboh ciep dienhvah gunghsw dwk daеuj le, caeuq gou nem vunzgihi naеuz: "Gou yaek bae gunghsw mbat ndeu, daengz banhaemh caet diemj cij dauq ranz, mwngz caeuq vunzgihi aеu dingq gangj bw!"

Gou naеuz: "Ndei, daxboh, gou caeuq vunzgihi cungj dingq gangj."

Daxboh ngaekngaek gyaеuj ok-dou lo.

Gou caeuq vunzgihi cingq guhcaemz yinx, sawqmwh dingqny miz vunz roq dou, gou lau lai, caeuq vunzgihi naеuz: "Vunzgihi, gou lau raixcaix."

Vunzgihi naеuz: "Gaej lau, bouxcawj, gou baujhoh mwngz."

Gou ngaekngaek gyaеuj, gvaq yaep ndeu, vunz roq dou youh roq dou lo, gou youh caeuq vunzgihi naеuz: "Vunzgihi, de youh roq dou lo, daxboh mbouj dwg banhaemh caet diemj cij dauqma lwi?"

Vunzgihi naеuz: "Dwg ha, boux-

cawj, daxboh naеuz banhaemh caet diemj cij dauqma, geizgvaiz lai lo, dwg byawz ne?"

Gou cam: "Vunzgihi, dwg mbouj dwg boux mbouj roxnaj ne?"

Vunzgihi hix dwglau raixcaix, yienghneix dou couh buet bae cam daxmeh, daxmeh naеuz: "Mbouj goj-naengz, banringz miz byawz roq dou?"

Gou caeuq daxmeh naеuz: "Daxmeh, dwg boux mbouj roxnaj ne, daxboh naеuz de banhaemh caet diemj cij dauqma."

Yienghneix, gou caeuq vunzgihi bae henz dou cam: "Mwngz dwg byawz?"

Vunz roq dou naеuz: "Fanjingq gou mbouj dwg vunzrwix, gyoengqsou hai dou couh ndaej lo."

Seizneix, vunzgihi caeuq gou naеuz: "Mbouj baenz, bouxcawj bae ra daxmeh bauqgingi, gaej dingq sing-yaem lumj daxboh, raeuz bungz vunzrwix lo."

Gou guhmuengz buet bae rug

daxmeh, aеu soujgih dwk dienhvah hawj gingjaz, gvaq haujlai nanz, gingjaz caengz daеuj daengz, gou bae cam daxmeh, daxmeh hix mbouj rox. Youh gvaq yaep ndeu, gingjaz daеuj lo, gaem vunzrwix bae lo.

Gou naеuz: "Vunzgihi, gou gyaеz mwngz raixcaix, aenvih mwngz coengmingz, youh hozndei, gyo'mbaiq mwngz baujhoh gou."

Vunzgihi naеuz: "Bouxcawj, mbouj miz maz, cijaeu mwngz caeuq daxboh daxmeh ndaej bingzbingz an-an couh baenz."

Seizneix, daxboh dauqma lo, gou gotumj daxboh, caeuq de naеuz: "Daxboh, gyo'mbaiq mwngz caeuq daxmeh doxcaez okcienz cawx boux vunzgihi neix hawj gou, de coengmingz raixcaix, youh hozndei, lij rox baujhoh vunz, gou caen gyaеz de raix-caix."

Daxboh naеuz: "Lwg ha, gizaed vunzgihi hix mbouj bengz, mwngz gyaеz couh baenz."

(Leiz Siuhveij)